

Nazali kopesa yo mbote na Kombo ya Nkolo Yesu Kristo. Boyei malamu na mateya ya Liloba ya Nzambe. Ezali malamu tóyeba mposa ya Nzambe mpo na moto nyonso liboso ete akokisa mobembo na ye awa na mokili.

Tala na tango wana, liboso mobali Hezekia akufa, Liloba ya Nzambe eyaki na monoko ya mosakoli Isaïe, elobaki na ye ete:

“Tia makambo ya ndako na yo na molongo, mpo okokufa, okobika te.”

(Esaïe 38:1)

Mpo na nini Nzambe alobaki te na ye: “Pema sik’oyo, kobosana makambo, mpo okokufa kaka?” Kasi azwaki liloba “Longisa makambo na yo.”

Nzambe ayebaki ete nzela ya kolongwa na bosembo epai na Ye, ezali kaka kolongisa makambo na yo wana ozali naino na bomoi.

Ezalaka mawa komona bato mingi bazali kaka kozala ndenge moko, bato oyo bazwaka sango ya lobiko, kasi balobaka: *“Mokolo moko nakobongwana.”* Balingaka komona lokola kokota na likolo

ezali lokola kokota na bis eni ya moto — na mokolo moko akopesa tiketi, mpe na mokolo yango akosala mobembo.

Kasi Likolo ezali na bosaleli ya motuya. Botalisi yango esalemaka awa na mokili; soki osili kosala yango, okokomama lokola moto ayebani mpo akokota kuna. Nkolo alingi te ete osepela kaka mpo obiki, kasi alingi mpe otelema olinga kotika libula ya elimo mpo na mibota oyo ekolanda. Yango ezali kolongisa makambo ya ndako na yo.

Lokola moto ya bwanya ayebaka ete liboso akufa asengeli kotika libula mpo na bana na ye, ndenge wana mpe biso tosengeli kozala na elikya ya kozala na mbuma ya elimo mpo na Nkolo.

Nzambe atiaki yo mpo ozala na mbuma. Boye, kobosana te kolongisa lobiko na yo lelo. Sala ete bomoi na yo ezala na litomba na bokonzi ya Nzambe. Soki okomi kuna, Nkolo amona ete talanta oyo apesaki yo ebimisaki eloko moko na mokili mpo na bokonzi na Ye.

“Moto oyo azwaki talanta mitano ayei elongo na talanta mitano mosusu, alobi: Nkolo, otikaki ngai na talanta mitano;

tala, nazwi mosusu mitano.”

“Nkolo na ye alobaki na ye: Malamu, mosali malamumu mpe ya sembo; ozalaki sembo na moke, nako pesa yo bokonzi likolo ya mingi; kota na esengo ya nkolo na yo.”

(Matai 25:20-21)

Moto oyo abatelaka te oyo apesami na ye, Nzambe akolongola mpe eloko yango.

“Mpo na moto nyonso oyo azali na eloko, bakopesa ye mpe akobakisa mingi; kasi moto oyo azali te, oyo nyonso azali na yango bakolongola ye.”

(Matai 25:29)

Tala, biloko na yo, mayele na yo, makabo na yo — ezali na lolenge nini mpo na kotombola bokonzi ya Nzambe? Soki ozali moto abikaki, mitema na yo ezali wapi na libondeli? Kotánga Liloba ezali wapi? Mbula na yo ya elimo ezali kotikala wapi? Tosengeli te komona biso lokola tozali malamumu, kasi eloko te esalemaka. Ezali likama soki tolongisi te bomoi na biso ya elimo. Mokolo moko nyonso tokotelema liboso ya kiti ya bokonzi mpo na

kopesa compte ya makambo na biso moko.

Yango wana, oyo ezali tango na biso ya kosolola na mitema na biso. Awa na mokili tozali bapaya, bomoi na biso eleki mpamba, tozali koyeba te mokolo nini tokokende to mokolo nini Nkolo akozonga. Kasi tóyeba ete soki tolongisi te bomoi na biso sik'oyo, kokota kuna ekokoka te.

Nzambe apesa biso nguya ya kokende liboso.
Shalom.

Share on:
WhatsApp